



## **PROGRAM**

**utroška sredstava**

**Ministarstva za privredu Bosansko-podrinjskog kantona Goražde  
sa ekonomskog koda 615 100 Kapitalni transferi drugim nivoima vlasti (vodne  
naknade) za 2024. godinu**

**Plan i Program utroška sredstava u sektoru vodoprivrede za 2024. godinu**

**Goražde, april 2024. godine**

## PODACI O PROGRAMU

---

Naziv programa:	Plan i Program utroška sredstava u sektoru vodoprivrede za 2024. godinu
Budžetski korisnik:	Ministarstvo za privredu Bosansko-podrinjskog kantona Goražde
Budžetski razdjel:	17
Budžetska pozicija:	17-171
Ekonomski kod:	615 100
Naziv analitičkog koda:	Kapitalni transferi drugim nivoima vlasti - (vodne naknade)
Period realizacije programa:	Od dana donošenja - 31.12.2024. godine
Ukupna vrijednost programa:	<b>507.001,00 KM</b>
Odgovorna osoba:	Zijad Briga
Pozicija odgovorne osobe:	Ministar
Kontakt osoba za Program:	Medžida Raščić
Kontakt telefon:	+387 38 228 256
Kontakt e-mail:	privreda@bpk.gov.ba
Web stranica:	<a href="http://www.mp.bpkg.gov.ba">www.mp.bpkg.gov.ba</a>

U skladu sa članovima 57. i 58. Zakona o vodama Bosansko-podrinjskog kantona Goražde („Službene novine Bosansko-podrinjskog kantona Goražde“, broj : 6/10) a u vezi sa članom 178. stav 2. Zakona o vodama („Službene novine FBiH“, broj: 70/06) i članovima 46. i 51. Zakona o izvršenju Budžeta Bosansko-podrinjskog kantona Goražde za 2024. godinu („Službene novine Bosansko-podrinjskog kantona Goražde“, broj: 16/23), na prijedlog Ministarstva za privredu Bosansko-podrinjskog kantona Goražde, Vlada Bosansko-podrinjskog kantona Goražde, **d o n o s i :**

## **PROGRAM**

**utroška sredstava Ministarstva za privredu Bosansko-podrinjskog kantona Goražde sa ekonomskog koda 615 100 - Kapitalni transferi drugim nivoima vlasti (vodne naknade) za 2024. godinu**

**„Plan i Program utroška sredstava u sektoru vodoprivrede za 2024. godinu“**

### **1. NAZIV PROGRAMA**

„Program utroška sredstava Ministarstva za privredu Bosansko-podrinjskog kantona Goražde sa ekonomskog koda 615 100 – Kapitalni transferi drugim nivoima vlasti (vodne naknade) za 2024. godinu“ – „Plan i Program utroška sredstava u sektoru vodoprivrede za 2024. godinu“ (u daljem tekstu: Program).

### **2. SVRHA I OPIS PROGRAMA**

#### **2.1. Svrha Programa**

Svrha ovog Programa je da osigura namjenski, planski i transparentan utrošak sredstava, odobrenih u Budžetu Ministarstva za privredu Bosansko-podrinjskog kantona Goražde na ekonomskom kodu 615 100 - Kapitalni transferi drugim nivoima vlasti (vodne naknade), u skladu sa članom 57. Zakona o vodama Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 6/10) i članovima 46. i 51. Zakona o izvršenju Budžeta Bosansko-podrinjskog kantona Goražde za 2024. godinu („Službene novine Bosansko-podrinjskog kantona Goražde“, broj: 16/23), u cilju unaprjeđenja vodoprivredne infrastrukture na području Bosansko-podrinjskog kantona Goražde.

#### **2.2. Opis Plana i Programa**

Plan i Program utroška sredstava u sektoru vodoprivrede za 2024. godinu, definiše njegove bitne elemente i to opće i posebne ciljeve, kriterije za raspodjelu sredstava, potrebna sredstva, korisnike sredstava, namjenu utroška sredstava, procjenu rezultata koji će se ostvariti te procjenu nepredviđenih rashoda i izdataka.

Poslovi koji su prema odredbama Zakona o vodama Bosansko-podrinjskog kantona Goražde i federalnog Zakona o vodama stavljani u nadležnost kantona i općina finansiraju se iz sljedećih izvora:

- dijela sredstava prikupljenih po osnovu vodnih naknada i zakupa javnog vodnog dobra na površinskim vodama I kategorije, koja po članu 177. stav 1. federalnog Zakona pripadaju kantonu,
- prihoda po osnovu zakupa javnog vodnog dobra na površinskim vodama II kategorije,
- budžeta kantona i budžeta općina,
- kreditnih sredstava,
- sredstava osiguranih posebnim zakonom,
- donacija i ostalih sredstava u skladu sa zakonom.

Korištenje ovih sredstava propisano je članom 57. Zakona o vodama Bosansko-podrinjskog kantona Goražde i članom 178. stav 2. Zakona o vodama („Službene novine Federacije Bosne i Hercegovine“, broj: 70/06), u skladu sa godišnjim planom i programom, koji na prijedlog Ministarstva za privredu donosi Vlada Bosansko-podrinjskog kantona Goražde.

Članom 177. Zakona o vodama („Službene novine FBiH“, broj: 70/06) propisana je raspodjela prihoda ostvarenih po osnovu općih i posebnih vodnih naknada i prihoda prikupljenih na osnovu zakupa javnog vodnog dobra na površinskim vodama I kategorije na sljedeći način:

- nadležnoj Agenciji za vode ..... 40 %
- **u korist Budžeta Kantona.....45 %**
- u korist Fonda za zaštitu okoliša Federacije BiH.....15 %.

Prema navedenim odredbama Zakona, ovi prihodi se koriste za sufinansiranje izgradnje i održavanja vodnih objekata (zaštitni objekti, objekti za iskorištavanje voda: za vodosnabdijevanje i navodnjavanje, objekti za zaštitu voda od zagađivanja, objekti za odvodnjavanje), kao i ostale aktivnosti vezane za poslove upravljanja vodama (izrada tehničke dokumentacije).

#### PREGLED PRIHODA OSTVARENIH OD VODNIH NAKNADA U 2023. GODINI

Tabela 1.

REDNI BROJ	GRAD/OPĆINA	OPĆA VODNA NAKNADA (KM)	POSEBNE VODNE NAKNADE (KM)	UKUPNO (KM)
1.	GORAŽDE	147.748,37	104.378,54	252.126,91
2.	FOČA FBIH	2.434,45	6.249,00	8.683,45
3.	PALE FBIH	1.091,68	4.342,39	5.434,07
U K U P N O:		151.274,50	114.969,93	266.244,43

### 3. OPĆI I POSEBNI CILJEVI PROGRAMA

Planom i Programom utroška sredstava u sektoru vodoprivrede za 2024. godinu, pored zakonskog osnova, definisani su opći i posebni ciljevi za postizanje očekivanih rezultata.

#### 3.1. Opći/Osnovni ciljevi Programa

Opći (osnovni) ciljevi Plana i Programa su:

- provedba strateškog cilja 3. Strategije razvoja Bosansko-podrinjskog kantona Goražde za period 2021.- 2027. godina („Službene novine Bosansko-podrinjskog kantona Goražde“, broj: 4/21) - „Osigurati održivo upravljanje okolišem i jačati infrastrukturne kapacitete“, prioritet 3.2. „Povećati investicije u javnu infrastrukturu i usluge“, mjera 3.2.1: „Izgradnja i rekonstrukcija infrastrukture za vodosnabdijevanje, kanalizaciju, otpadne i oborinske vode“.
- poboljšanje uslova života i standarda stanovništva lokalnih zajednica kroz unaprjeđenje vodoprivredne infrastrukture na području Bosansko-podrinjskog kantona Goražde (vodosnabdijevanje, zaštita voda od zagađenja, zaštita od štetnog djelovanja voda - zaštita od poplava, uređenje vodotoka, zaštita okoliša, izrada tehničke dokumentacije).

#### 3.2. Posebni/specifični cilj Programa

Plan i Program sadrži posebni (specifični) cilj u okviru kojeg će se pružati podrška korisnicima Programa.

Posebni / specifični cilj Plana i Programa je:

- Sufinansiranje projekata izgradnje vodnih objekata, rekonstrukcije, održavanja ili sanacije postojećih vodnih objekata kao i uređenja vodotoka ili finansiranje izrade tehničke dokumentacije, koje kandiduju i realizuju lokalne zajednice u sastavu Bosansko-podrinjskog kantona Goražde.

### 4. POTREBNA SREDSTVA ZA PROVOĐENJE PROGRAMA

Potrebna sredstva za provođenje Plana i Programa utroška sredstava u sektoru vodoprivrede za 2024. godinu planirana su u iznosu od 507.001,00 KM.

Budžetom Ministarstva za privredu Bosansko-podrinjskog kantona Goražde za 2024. godinu („Službene novine Bosansko-podrinjskog kantona Goražde“, broj: 16/23), na ekonomskom kodu 615 100 - Kapitalni transferi drugim nivoima vlasti (vodne naknade), planirana su sredstva u iznosu od 260.000 KM.

Odlukom Vlade Bosansko-podrinjskog kantona Goražde o odobravanju unosa razgraničenih namjenskih prihoda koji nisu utrošeni u prethodnoj godini u Budžet Ministarstva za privredu za 2024. godinu, broj: 03-11-796/24 od 28.03.2024. godine, rashodovna strana Budžeta Ministarstva za privredu za 2024. godinu, na ekonomskom kodu 615 100 - Kapitalni transferi drugim nivoima vlasti (vodne naknade), povećana je za iznos od 247.001,00 KM, tako da ukupno planirana sredstva na ovom kodu iznose 507.001,00 KM.

#### 4.1. Realizacija planiranih aktivnosti po Programu

Planirana sredstva po ovom Programu će se koristiti za:

- Sufinansiranje projekata izgradnje vodnih objekata, rekonstrukcije, održavanja ili sanacije postojećih vodnih objekata kao i uređenja vodotoka ili izrade tehničke dokumentacije (finansiranje), u iznosu od 507.001,00 KM.

Ministarstvo za privredu Bosansko-podrinjskog kantona Goražde će za realizaciju aktivnosti iz posebnog cilja Programa, objaviti javni poziv za dostavljanje zahtjeva sa prijedlogom projekata za sufinansiranje/finansiranje u 2024. godini.

### 5. USLOVI I KRITERIJI ZA RASPODJELU SREDSTAVA

#### 5.1. Opći uslovi za dostavljanje zahtjeva za korištenje sredstava vodnih naknada

Opći uslovi za učešće aplikanta u ovom Programu su:

- da su korisnici sredstava namjenski utrošili i opravdali odobrena sredstva iz prethodne godine ili da je realizacija projekata u toku,
- da će odobrena sredstva biti namjenski utrošena,
- da korisnici sredstava osiguraju vlastito učešće ili učešće iz drugih izvora finansiranja, minimalno 5 % od ukupne vrijednosti projekta (izvođenje radova) sa kojim se aplicira,
- da korisnici sredstava imaju izrađenu investiciono-tehničku dokumentaciju - Glavni projekat sa predmjerom i predračunom radova, ukoliko apliciraju za izgradnju novih ili rekonstrukciju postojećih objekata, Predmjer i predračun radova, ukoliko apliciraju za sanaciju postojećih objekata ili ovjeren Projektni zadatak, ukoliko apliciraju za finansiranje izrade tehničke dokumentacije.

#### 5.2. Kriteriji za raspodjelu sredstava

Pravo na sredstva po ovom Programu imaju lokalne zajednice u sastavu Bosansko-podrinjskog kantona Goražde.

Za potrebe utvrđivanja visine sredstava koja će biti odobrena po ovom Programu, utvrđeni su slijedeći kriteriji za bodovanje:

##### 1. Ostvareni prihodi po osnovu vodnih naknada za prethodnu godinu na nivou lokalne zajednice max 80 bodova

Bodovanje po ovom kriteriju izvršeno je tako da je lokalna zajednica na čijoj je teritoriji prikupljeno najviše prihoda po osnovu vodnih naknada dobila 80 bodova a ostali aplikanti su bodovani srazmjerno visini prikupljenih prihoda po osnovu vodnih naknada na njihovoj teritoriji.

Za bodovanje kod ovog kriterija korišteni su podaci o ostvarenim prihodima od vodnih naknada iz službene evidencije Ministarstva za finansije Bosansko-podrinjskog kantona Goražde.

##### 2. Indeks razvijenosti lokalne zajednice max 10 bodova

Na osnovu ovog kriterija bodovanje je izvršeno na način da je lokalna zajednica koja je u prethodnoj godini imala najmanji indeks ili stepen razvijenosti dobila maksimalno 10 bodova dok su ostale lokalne zajednice bodovane srazmjerno stepenu razvoja u odnosu na najnerazvijeniju lokalnu zajednicu na prostoru Bosansko-podrinjskog kantona Goražde.

Za bodovanje kod ovog kriterija korišteni su posljednji objavljeni podaci Federalnog zavoda za programiranje razvoja za 2022. godinu – Socioekonomski pokazatelji po općinama FBiH 2022. - Tabela 3. Nivo razvijenosti FBiH po JLS u 2022. godini.

### 3. Površina lokalne zajednice (km<sup>2</sup>)

max 10 bodova

Bodovanje po ovom kriteriju izvršeno je tako da je lokalna zajednica koja ima najveću površinu bodovana sa maksimalnih 10 bodova a ostale lokalne zajednice su bodovane srazmjerno njihovoj površini u odnosu na lokalnu zajednicu sa najvećom površinom.

Za bodovanje kod ovog kriterija korišteni su podaci iz Prostornog plana za područje Bosansko-podrinjskog kantona Goražde (2008-2028), koji je objavljen u „Službenim novinama Bosansko-podrinjskog kantona Goražde“, broj: 6/16.

### 5.3. Način raspodjele sredstava

Sredstva odobrena Budžetom Bosansko-podrinjskog kantona Goražde za 2024. godinu („Službene novine Bosansko-podrinjskog kantona Goražde“, broj: 16/23), raspoređivat će se po ovom Programu, koji na prijedlog Ministarstva za privredu donosi Vlada Bosansko-podrinjskog kantona Goražde.

Visina sredstava koja se mogu odobriti je određena kao proizvod ostvarenog koeficijenta po osnovu bodova i ukupnog iznosa sredstava koja su predviđena ovim Programom.

Koeficijent je određen kao odnos broja bodova koje je lokalna zajednica ostvarila i ukupnog broja bodova svih lokalnih zajednica.

Uvažavajući specifičnost Bosansko-podrinjskog kantona Goražde, u čijem sastavu se nalazi Grad Goražde kao najrazvijenija i najnaseljenija lokalna zajednica sa vlastitim prihodima i općine Pale FBiH i Foča FBiH, kao nerazvijene općine i kriterije za raspodjelu sredstava utvrđene u tački 5.2. ovog Programa, lokalnim zajednicama, ukoliko ispune uslove iz tačke 5.1. ovog Programa, odobriće se sredstva do maksimalnog iznosa kako slijedi:

Tabela 2.

R/br	Naziv lokalne zajednice	Ostvarene vodne naknade u 2023. godini (KM)	Bod	Index razvijenosti lokalne zajednice za 2022. godinu	Bod	Površina lokalne zajednice (km <sup>2</sup> )	Bod	Σ bodovi (3+5+7)	Koeficijent	Planirana sredstva po Programu (KM)	Mogu se odobriti sredstva u iznosu do: (KM)
1	2	3	4	5	6	7	8	9	10	11	
1.	Grad Goražde	252.126,91	80	1,14	3,86	253,34	10	93,86	0,752	507.001,00	381.265,00
2.	Općina Foča FBiH	8.683,45	2,76	0,66	6,67	161,26	6,37	15,79	0,126	507.001,00	63.882,00
3.	Općina Pale FBiH	5.434,07	1,72	0,44	10	87,68	3,46	15,19	0,122	507.001,00	61.854,00
								124,83			

### 5.4. Kandidovanje prijedloga projekata i zahtjeva za sredstvima

Ministarstvo za privredu Bosansko-podrinjskog kantona Goražde će, u cilju transparentne i namjenske raspodjele sredstava ostvarenih od vodnih naknada, objaviti javni poziv za dostavljanje zahtjeva sa prijedlogom projekata za sufinansiranje/finansiranje u 2024. godini.

Zahtjev za korištenje sredstava se dostavlja na propisanom aplikacionom obrazcu „OPP obrazac - Osnovni podaci o projektu“, koji sadrži: naziv projekta, kratak opis projekta, stepen spremnosti projekta za

realizaciju, vrijednost radova (usluga) sa prijedlogom konstrukcije finansiranja, očekivane efekte nakon realizacije projekta i ostale bitne podatke i informacije o projektu.

Podnosioci zahtjeva za korištenje sredstava planiranih ovim Programom su dužni dostaviti slijedeću dokumentaciju:

- popunjen aplikacioni obrazac "OPP - Osnovni podaci o projektu",
- potpisanu i ovjerenu izjavu da su korisnici sredstava namjenski utrošili i opravdali odobrena sredstva iz prethodne godine ili da je realizacija projekata u toku,
- potpisanu i ovjerenu izjavu da će odobrena sredstva biti namjenski utrošena,
- potpisanu i ovjerenu izjavu da će korisnici sredstava osigurati vlastito učešće ili učešće iz drugih izvora finansiranja, minimalno 5 % od ukupne ugovorene vrijednosti projekta (za izvođenje radova) sa kojim se aplicira,
- Investiciono - tehničku dokumentaciju (Glavni projekat), ukoliko apliciraju za izgradnju novih ili rekonstrukciju postojećih objekata, Predmjer i predračun radova, ukoliko apliciraju za sanaciju postojećih objekata ili ovjeren Projektni zadatak, ukoliko apliciraju za izradu tehničke dokumentacije.

Zahtjev za korištenje sredstava mora sadržavati potrebne dokaze o ispunjavanju općih uslova i zahtijevane elemente iz aplikacionog obrazca.

#### **5.5. Otvaranje aplikacija i administrativna provjera**

Otvoravanje aplikacija i administrativna provjera se provodi nakon dostavljenih aplikacija sa prijedlogom projekata za sufinansiranje/finansiranje po javnom pozivu a najkasnije do krajnjeg roka koji će biti utvrđen javnim pozivom.

Administrativnu provjeru provodi komisija Ministarstva za privredu Bosansko-podrinjskog kantona Goražde. Komisija provjerava da li je aplikacija zadovoljila opće uslove iz ovog Programa te predlaže projekte za sufinansiranje/finansiranje, sa iznosom sredstava za odobravanje.

Ministarstvo će kroz Program za 2024. godinu sufinansirati/finansirati projekte kandidovane od strane lokalnih zajednica za koje utvrdi da ispunjavaju propisane uslove, u visini maksimalno planiranih sredstava za namjene predviđene Programom. Sredstva će se odobravati u skladu sa dinamikom ostvarenih prihoda po osnovu vodnih naknada.

Ministarstvo za privredu Bosansko-podrinjskog kantona Goražde će dostaviti Vladi Bosansko-podrinjskog kantona Goražde prijedloge Odluka o odobravanju sredstava za sufinansiranje/finansiranje projektnih aktivnosti lokalnih zajednica.

Na osnovu prijedloga Ministarstva za privredu Bosansko-podrinjskog kantona, Vlada Bosansko-podrinjskog kantona Goražde donosi pojedinačne odluke o odobravanju novčanih sredstava nakon čega će Ministarstvo za privredu ili Vlada Bosansko-podrinjskog kantona Goražde, u zavisnosti od visine sredstava, sa korisnicima zaključiti Ugovore o korištenju i namjenskom utrošku odobrenih sredstava, kojima će biti preciziran način i dinamika korištenja te nadzor nad utroškom odobrenih sredstava u namijenjene svrhe.

Nakon donošenja Odluka o odobravanju novčanih sredstava od strane Vlade Bosansko-podrinjskog kantona Goražde, zahtjev za plaćanje sa pratećom dokumentacijom se dostavlja Ministarstvu za finansije Bosansko-podrinjskog kantona Goražde.

## **6. KORISNICI SREDSTAVA**

Korisnici sredstava planiranih ovim Programom su lokalne zajednice koje se nalaze u sastavu Bosansko-podrinjskog kantona Goražde .

## **7. POTREBAN BROJ RADNIKA ZA PROVOĐENJE PROGRAMA I MONITORING**

Za provođenje Programa su nadležni zaposleni u Ministarstvu za privredu, Ministarstvu za finansije i Vladi Bosansko-podrinjskog kantona Goražde.

Monitoring se provodi sa ciljem utvrđivanja da li se implementacija podržanih projekata provodi u skladu sa potpisanim Ugovorima o namjenskom utrošku odobrenih sredstava i u skladu sa odredbama ovog Programa. Korisnici sredstava su dužni, nakon utroška odobrenih sredstava, dostaviti Ministarstvu za privredu Bosansko-podrinjskog kantona Goražde izvještaj o utrošenim sredstvima za namjene koje su predviđene Ugovorom, sa pripadajućom dokumentacijom i dokazima.

Ministarstvo za privredu Bosansko-podrinjskog kantona Goražde će, u cilju praćenja i kontrole namjenskog utroška odobrenih sredstava, formirati Komisiju koja će sačiniti zapisnike i izvještaj, u kojima će biti prezentirano stvarno stanje utroška sredstava i iste dostaviti Ministru za privredu Bosansko-podrinjskog kantona Goražde u dalju proceduru.

Mjerenje rezultata provedenih aktivnosti će se vršiti na osnovu uspješnosti implementacije projekata, sačinjavanjem zapisnika uz koji će biti sva neophodna dokumentacija kojom se dokazuje implementacija namjenskog utroška odobrenih sredstava.

U slučaju da rezultati monitoringa ukažu na značajan zaostatak u ispunjavanju ugovorenih obaveza, odnosno ukoliko odobrena novčana sredstva korisnik ne utroši ili utroši nenamjenski, dužan je ista vratiti Ministarstvu za privredu Bosansko-podrinjskog kantona Goražde.

Ministarstvo za privredu Bosansko-podrinjskog kantona Goražde će Vladi Bosansko-podrinjskog kantona Goražde dostaviti konačni izvještaj o utrošku odobrenih sredstava predviđenih ovim Planom i Programom.

## **8. PROCJENA REZULTATA**

Realizacijom ovog Programa očekuje se unaprijeđenje vodoprivredne infrastrukture na području Bosansko-podrinjskog kantona Goražde (javno vodosnabdijevanje, zaštita voda od zagađenja, zaštita od štetnog djelovanja voda - zaštita od poplava, zaštita okoliša ili izrada tehničke dokumentacije).

Mjerenje rezultata predmetnih aktivnosti će se vršiti na osnovu pismenih izvještaja koje sačinjavaju korisnici sredstava nakon realizacije projekta i obilaska na terenu od strane davaoca sredstava.

## **9. PROCJENA NEPREDVIĐENIH RASHODA I RIZIKA**

U slučaju promjene visine sredstava i drugih troškova po ovom Programu koji mogu nastati kao rezultat promjene zakonskih propisa ili usklađivanja budžeta Bosansko-podrinjskog kantona Goražde, kao i potrebe za drugačijom raspodjelom sredstava po planiranom projektu, Program se može mijenjati, povećavati ili smanjivati iznos na pojedinim stavkama kao rezultat interne preraspodjele sredstava.

U slučaju manje raspoloživih sredstava od zahtjeva lokalnih zajednica, Ministarstvo za privredu ili Vlada Bosansko-podrinjskog kantona Goražde će sa odgovornim predstavnicima lokalnih zajednica, utvrditi dio aktivnosti iz projekata ili određeni broj projekata koji će se sufinansirati u okviru planiranih sredstava utvrđenih ovim Programom.

U prijedlozima projekata, lokalne zajednice su dužne procijeniti sve rizike koji mogu utjecati na ostvarivanje planiranih rezultata projekta kao i planirati odgovarajuće mjere koje će poduzeti u slučaju ostvarivanja rizika koji mogu utjecati na ostvarivanje planiranih rezultata.

Broj: 03-11-945-1/24  
Goražde, 25.04.2024. godine



Ovaj Plan i Program donijela je Vlada Bosansko-podrinjskog kantona Goražde, Odlukom broj: 03-11-945/24 od 25.04.2024. godine.